

新 粵 劇

第 三 集

紅旗

林 標

百年大計……南鄉子、梁 全

寬廣的道路……梁 威

南方通俗出版社出版

新華書店廣東分店總經售

新 粵 劇

第 三 集



南方通俗出版社出版

新華書店廣東分店總經售

目 錄

紅旗（三場粵劇）……………

王恩臣、汪
林 標

惟等原著
改編（一）

百年大計（獨幕粵劇）……………

叢 深
南鄉子、梁

原著
全改編（三七）

寬廣的道路（三場粵劇）……………

曾 煒
梁 威 改編（五五）

紅旗

(三場粵劇)

王恩臣、汪惟等原著
林標改編

劇情簡介

某工廠展開了紅旗競賽。青年工人袁得祿，為了滿足個人慾望，鑽估工員老黃官僚主義的空子，將新的工作定額估低，企圖博取超額獎金；紅旗競賽，他又採取了不正確態度，看見別組的車床壞了，他就幸災樂禍起來，充分暴露了他的個人主義思想。他的生產小組長趙師傅，是個共產黨員，大公無私，肯幫助別人，看見別組的車床壞了，就主動將自己剛找出竅門的工作換給袁得祿，因為袁得祿原來負責的工作不怎麼緊迫，可以騰出車床來幫助別組完成任務。趙師傅的愛國主義、集體主義的模範行為，在戰勝了某些工人中的非工人階級思想以後，使紅旗競賽得到了順利的展開。

人：趙師傅：老技術工人，共產黨員，五十歲，生產小組長。

十歲，生產小組長。

組工人。

袁得祿：青年工人，廿四、五歲，趙

王師傅：老技術工人，五十三歲，生產小組長。

小蘭：青年女工，二十歲，趙組工人。

老黃：估工員，廿八歲。

梁主席：車間工會主席。

小賈：趙組青年男工。

老楊：趙組中年男工。

小環：趙組青年女工。

小張：王組工人（男女皆可）。

小李：王組青年男工。

羣衆：王組工人（男女皆可）。

第一場

時：中午休息的時候。

地：車間的一角。

景：機械車間的一角，靠近趙組和王組的工段。正面是一個大窗，窗前放着桌椅、茶具、小櫃之類的東西，桌上有一架只通廠內的電話機。大窗兩旁都

有門，左門通趙組工段，右門通王組工段。台左有高大的衣櫃，台右有畫在顏色板上的紅旗競賽進度表（簡稱紅旗板報）。正面牆上掛着一面流動大紅旗，上有金綉的「發揚愛國主義勞動競賽」十個大字。旁邊牆上掛一塊小黑板。這是車間的一段，不像個房間，只是午休和交接班時，工人們換衣、休息的地方。

（內場羣衆於下班的汽笛長鳴中，齊唱着「我們工人有力量」的歌曲，幕緩緩地揭起。場上無人，片刻唱畢，即奏快琴音頭兩句——「生工工，工六五，生生工，工六五五五」，反覆不斷奏着襯托。梁主席手中拿着表格，興沖沖地由左門上，走向那塊「紅旗板報」去，立時引起羣衆的注意；所有趙組的工人都爭着由左門上，所有王組的工人都由

右門上。兩組的工人，不期都同歡叫

着：「睇工會主席插紅旗呀！睇工會主

席插紅旗呀！」隨即趙組在左，王組在

右，無意中分成兩列隊伍，爭看着梁主

席，看他到底是插那一組的紅旗。梁主

席把一個一個的小紅旗向前移動，兩組

先因「事不關己」，只不過彼此低聲談

論。後來，梁主席把王組的小紅旗向前

移動的時候，王組羣衆特別高興，不斷

在旁打氣，趙組的羣衆則十分緊張，但

並不是對王組嫉妒。最後梁主席拔起趙

組的小紅旗，向表格查看，沒有決定插

在那裏的時候，趙組的工人可忍耐不住

了，特別是袁得祿表示得更焦躁）

趙組羣衆：（嚷白）我地組枝紅旗點插呀

主席？

袁得祿：（大言不慚地白）一定高過佢地

（指王組羣衆）個組啦，連呢塊紅旗板

報都唔夠地方插就定喇。

梁主席：（冷眼瞟了袁一下，馬上把小紅

旗插回原處，白）你地個組嘅進度——

不郁！

（兩組羣衆都詫異起來。譚子續奏尾

句收）

袁得祿：（不服氣，白）點解我地個組就

做衰仔呀！

梁主席：（嚴肅地向袁白攬）後生仔，只

曉爭紅旗。既係爭紅旗，就要畀的心

機。（又和藹又嚴肅地環視兩組一下）

我地嘅工廠，得上級指示。承做卡車二

百架，任務重要人皆知。配合抗美援朝

朝，運輸幾大事呀？應該發奮做，並非

貪紅旗。有競賽精神，提前質做起。互

愛更互助，不能有自私。你組（指趙

組）前次得紅旗，應該表揚你地。今次

你組（指王組）進步快，你組（指趙

組)就要努力的。萬事離不開,集體兩個字。工人階級嘅本質,集體利益要支持呀! (全體羣衆感動,齊聲白:「對!」只有袁得祿不大起勁,低着頭走了開去)

梁主席: (白) 下班呀,到飯堂食飯囉!

(左門下)

(羣衆隨下,但袁得祿捧着頭坐在一角不動。冷場片刻,地錦,老黃手拿記錄簿忙碌地由左門上)

老黃: (白) 趙師傅! 趙師傅! (竟沒有發覺袁,而袁也懶得理會他。黃就摘下帽子擦汗,旁若無人地,韻白) 呀! 紅旗競賽日催夜催,我呢個估工員走來走去,白白將兩隻腳連累! 上級——批評! 工人——猛推! 夾嚟中間,大隻雷雷,劈大個嘴。其實我一日唔監視,就水蟹個水! 佢地識鬼企業管理咩,累累

贅贅,你一句我一句,唔係我將人睇衰喇! (一見袁得祿,就扯住問白) 喂! 你地趙師傅呢?

袁得祿: (白) 我點知!

老黃: (滾花) 車! 你係佢一組嘅工人,

點會唔知趙師傅佢! 枉我成日騰出騰入,你就闊佬懶理熟居居。喂,個件

「滑輪」係邊個嘅工程, (一搵)

袁得祿: (接唱) 係我包工而家都做唔去!

老黃: (白攬) 啱勒,同你先來商量,數額定幾多你講句喇。

袁得祿: (白攬) 「滑輪」太難做,而家搏命猛追,一日至做得七、八個……

老黃: (接唸) 你騙誰呀?

袁得祿: (白攬) 哼! 屙屎屙尿都唔得閒,你做估工咁就唔對喇。

老黃: (白攬) 唔識我唔做估工員,你咪

把我嚟睇衰啫！

袁得祿：（白攬）咁隨你話，一日做幾多，俾講就快趣喇！

老黃：（擲槌，打量桌子上的「滑輪」，

白攬）一日至少三十個，都做唔嚟就太水咯！

袁得祿：（知他心中無數，白攬）乜話？

係咁你試下做一日，做得出十個我乜野都肯輸。（收白）輸賭呀！

老黃：（白）你咁樣算係點啫？（窘極沒

法，滾花）你連一的愛國主義思想都有，真係枉我講蝕口唇皮。你有思想問題，（一槌）

袁得祿：（楔白）老黃，你咪同人亂戴帽

嚟，（接唱）咁你就係官僚主義！

老黃：（滾花）國家將錢交過我，我不能

亂開支。

袁得祿：（滾花）總之我一日做七個無

零，（一槌，楔白）好喇，同我估夠九個喇，（接唱）估多一個我都唔同意。

（幕後有人叫：「老黃，老黃！」）

老黃：（白）嚟！四圍都有事！（滾花）

好勤中庸之道，一日做十個咁你就咪推辭。

袁得祿：（滾花）你死口監人，好喇！十

個都做一次。（白）第次係咁夾硬嚟我唔做啫！

老黃：（白）好，決定喇，十個！（記

下）十個！（急從右門下）

袁得祿：（見老黃去遠了，狂喜，手舞足

蹈起來，段頭鑼鼓起戀壇中板板面唱）

× × × × × × × × × ×

士合上——尺乙士合上——六工尺六工

呢次合……意，呢次合……意——咁樣估工真

× × × × × × × × × ×

尺上乙士上尺工合士合
好笑咯又試搵到便……宜。（減字芙蓉）

其實我一日做十五個，而家有五個係多餘。不但保得住呢枝紅旗（指大紅旗），行出嚟夠面子。變左超額完成任務，超額獎金又撈多的。（齊一槌，擲槌思索，喜極，把小黑板摘下，用粉筆亂畫，滾花）超過定額一個有五千，

（一槌，楔白）五五二十五，一日就有二萬五！一個月有六七十萬！嘩！（續唱）加理基本工資就有一百零幾！我共小蘭嘅戀愛，都幫助得有餘。（掛回小黑板，抹去白粉，突然醒起，白）先幾日做多左啲的，等我收埋先，以後逐的拈翻出嚟。唔係被佢睇到搞唔掂！

（沖頭，袁下。沖頭，袁復上，抱出一箱子「滑輪」，四處找尋地方，結果收在衣櫃內，剛剛收好，撲燈蛾鑼鼓，老楊、小賈、小環等飯畢回來。各人詫異問袁為什麼不去吃飯，袁假說奪不到紅旗，連吃飯也不想了。）

老楊：（白攬）真係索晒氣，我地枝大紅旗都幾難得保全。

小賈：（白攬）卑！咪個洩氣噏，趙師傅一搵到竅門，我地唔慌唔走嚟前面！個個都好似你咁（指袁），就會共紅旗有緣咯！

袁得祿：（中板）唉！趙師傅，佢專包攬埋，都係苦差，嘅機件。

小賈：（楔白）趙師傅手瓜硬嘛！

袁得祿：（續唱）算佢好手藝，生鐵能屈直，隻手亦難以遮天。佢領返嚟，呢兩件工程，真係害人，不淺。個件叫「滑輪」，又未曾做過，而且難做，到癲。

（滾花）重有個件「車制」嘅工程，起初做連刀都碰斷。眼看拖延任務，紅旗仔遲步不前。點似佢地組撈着一份水蟹工程，做大車轆幾咁方便。

小環：（口鼓）喂乜咁講呀？大家都估定額，邊有離譜離得咁遠㗎？

袁得祿：（故意隱瞞，口鼓）重未估定額呀！頭一次做「車制」同「滑輪」好彩冇老婆仔女啫，唔係連老婆仔女都蝕埋添。

小賈：（口鼓）車，你咁講就唔啱㗎！我地係國家工廠嘅工人，乜講蝕講賺開口就係錢！（哀不語）

老楊：（口鼓）不過碰着老黃佢估工，都咪話唔冤咯！

袁得祿：（白）咁唔係！

小賈：（白）喂，你地記唔記得呀？上次老黃同趙師傅估個批貨。佢揸住個簿，乜都唔睇，（學老黃動作和說話，口鼓）佢話：「約莫一日估十個你願唔願？唔多唔少咪口出怨言。」點知趙師傅話：「你咪睇見我今日做十個就喻十

個咁隨便。咪當國家財產唔係野攞去四邊捐！約莫約莫，加加埋埋就差得遠！你呀！同我估十三個喇！」老黃當堂啞口無言。

（衆人大笑）

袁得祿：（白）講乜鬼呀！（三腳凳）總之唔在話，要輸實在眼前。

小賈：（三腳凳）你發乜野牢騷，咪心麻麻亂。

小環：（三腳凳）要學下趙師傅，積極去鑽研。

袁得祿：（三腳凳）人地係老師爸，我地點能比得掂。況且工夫難做，落力都係枉然。（滾花）人地食猪肉我地啃骨頭，（一槌）攤派工作唔得公平情願。

（王師傅拿着棋盤由右門靜上，剛聽到最後一句）

王師傅：（滾花）你眼紅有乜野用，唔出

力點會佔先！

袁得祿：（滾花）王師傅，要我做你個件大車轆，你拍馬都趕唔掂。（收振）

王師傅：（白）哦！我明嘞！你搵唔到竅門係嘛？嚟，我有！

小賈：（白）王師傅，乜野竅門呀？

王師傅：（白）唔使用力，唔使用腦（一本正經地）……

袁得祿：（白）王師傅……

王師傅：（白）嚟！（把袁拉到紅旗板報前，把小紅旗拔下來，用手比着。滾花）呢個竅門千里馬都難以追上，（一搥）孫悟空一個筋斗打上西天。（把小紅旗插到盡頭）

（衆人大笑）

袁得祿：（白）你死喇！

王師傅：（白）袁得祿！（三腳凳）你咪亂想胡思，邊處有便宜夾大件。竅門四

圍都係，問你是否去鑽研。（滾花）紅旗係點樣得來？（楔白）唔勞動佢會飛嚟囉嚟！（續唱）你要明瞭呢點。你成日話你啃骨頭我地組煲猪肉，（一搥）試問邊樣工程唔係重要，有一樣都惡以成全。總之你要搵趙師傅學下野添，後生仔練精學懶唔上算。（白）趙師傅呢？同佢捉盤棋至得。

袁得祿：（白）佢試驗竅門呀！咪阻住佢嘞！（袁沒精打彩搬弄棋子）

（幕後小蘭叫聲：「王師傅！王師傅！」）

（沖頭，小蘭左門上）

小蘭：（口鼓）王師傅！我地組趙師傅而家試驗竅門，請你去幫下眼提意見嘅！

王師傅：（白）我提唔出乜野意見嘅……

（猶豫）

小賈：（口鼓）王師傅，咪客氣嘞，我地

車間大工匠除左你同趙師傅之外重有邊個添叮？

王師傅：（口鼓）小蘭！我唔係唔願去，我自己啲組有事，小李嚟啲邊，我而家要幫佢試驗。（欲行）

小蘭：（頑皮地堵住王的去路，白）王師傅，你去喇！

王師傅：（無奈地口鼓）唉，細路！好，好，我一陣去睇下喇，咪將我死纏勒！

（向右門下）

小蘭：（急白）王師傅真係呀！（轉向小賈等白）喂，你地唔去睇趙師傅試驗竅門？

小賈：（白）去囉，去囉！

（云云，小賈、老楊、小環左門下，

小蘭欲下）

袁得祿：（急叫住白）小蘭！小蘭！

小蘭：（站在門外，白）乜野呀？

袁得祿：（訥訥地白）我……

小蘭：（白）等陣先啦，想講又唔講，至憎你時時都係咁嘅啫！（左門下）

（袁得祿徘徊地沉思片刻，又摘下小黑板來，蹲在地上計算他方才的超額獎金，一邊唸着一邊寫數，自我陶醉，見小蘭復回，急抹去）

小蘭：（左門復上，白）王師傅有冇再嚟過呀？（看黑板）

袁得祿：（白）冇嘢！（見小蘭望着黑板出神，怕露出馬脚，急拉着她，白）

喂，有乜好睇呀，等我講的野畀你聽罷喇！（滾花）你……（訥訥地）……

我……係，聽見你想買手錶戴，我……就借畀你一筆錢。（楔白）好嘛？

小蘭：（擺手，滾花）我不一定要買錶，要借錢更唔願。（指黑板）你畫……乜

鬼野，又橫又直又打圈？

袁得祿：（訥訥地白）有，盡唔出乜野嚟。

小蘭：（自作聰明地，滾花）噢！莫非你找竅門？條數計唔掂？

袁得祿：（乘機白）就係！計來計去重差一的。

小蘭：（鼓勵地，口鼓）唔緊要，你能夠找竅門，可見你都勇於向善。如果搞唔掂，就請教下趙師傅先呀。

袁得祿：（把小蘭拉住，白）小蘭！（滾花）睇你副袖套爛成個樣，你唔岩用住我個副先。（從褲袋掏出一副）

小蘭：（白）你唔去趙師傅度？

袁得祿：（白）你換左副袖套先喇！（滾花）喂，我要問你一件事，（一槌）

小蘭：（戴袖套，白）乜野呀？

袁得祿：（續唱）今朝老黃搵你有乜事件？

小蘭：（白）估工員老黃？……有事囉！

袁得祿：（白）梗係有事喇，乜野事至得嚟？

小蘭：（白）你乜咁多事嚟？（二黃慢板）乜你無端問起，好似滿腹，疑團。

袁得祿：（唱序）唔通問下都會見嫌。

小蘭：（唱曲）佢不過入嚟，搵趙老師，見面。

袁得祿：（唱序）恐怕唔只呢一件嘢！

小蘭：（莫名其妙地，唱曲）你疑神疑鬼，真係發氣，夾長篇。

袁得祿：（唱序）你梗係話我慳尖。

小蘭：（白攪）真係有你咁好氣，有乜事

得咁動地驚天。你前日出過我的算術練習題，我計來計去計唔掂，問左佢兩句，唔通咁都要講到出年（仄）咁！

袁得祿：（白攪）點解你要問佢呀？問我唔方便咩？（一槌）

小蘭：（白攬）車，我對你真係有意見，你唔知想乜鬼講閒話都講唔完。

（收掘）

袁得祿：（白）唉，我問下之嘛！（滾花）我不過再次提醒你一句，老黃此人滿身缺點！

小蘭：（滾花）你咪行前講後，有意見就當面明言。

袁得祿：（白）接受批評！（滾花）不過我覺得……覺得你同我總係有距離，（一槌）唉！唔通呢半年我嘅心事你睇唔見咩？

小蘭：（未明其意，三脚凳）半年你對我幫助，我嘅技術勝過從前。

袁得祿：（三脚凳）你知道就好喇，你重可以提下意見。我有一樁心事，希望你成全。（一槌）

（幕後一片掌聲和吵鬧聲）

小蘭：（高興地，白）你聽下！（滾花）趙師傅一定試驗成功，快的入去車間裏邊（音便）。（白）嚟啦！（耐不住興奮的心，一個人向左門跑下）

（袁想跟着走，走了兩步，跑回來，快地地望着幕後）

袁得祿：（白）挑！（把棋子搗亂，坐下抽煙，想着）

（一會兒，小蘭、小賈、老楊、小環擁趙師傅左門上。趙師傅擦着手，慢慢地走到桌子前，坐下。狠狠地抽煙。沉默的臉上有一種掩飾不住的興奮。衆人議論紛紛）

小蘭：（口鼓）趙師傅，呢次試驗成功，一日能夠出六七個「車制」，咁唔係好蓋？

小賈：（口鼓）嘩，呢個月一定提前完成任務，紅旗呢次有得扳！

趙師傅：（口鼓）呢回算保證左二百架卡車出廠去朝鮮嘞，（拍小賈肩頭）點呀！細路實！完成唔到計劃唔係講玩（音挽）㗎！（笑）若果竅門搵唔到呀，重連累晒成個車間㗎。

袁得祿：（自語，口鼓）定額五個……

喂，而家出六七個，咁唔係超額？（向趙）趙師傅！好野！呢次紅旗唔慌會郁得慢嘞！

小環：（口鼓）頭先王師傅攞組正話話緊要搶大紅旗嘞，幾乎急死我小環呀！

趙師傅：（長句滾花）心咪急，手咪慢，腦筋開動至解決得困難，紅旗並非誰都可包攬，口強心傲就摸下都難，大衆齊心有撞板，我要紅旗插滿，整個車間！小賈：（滾花）總之你打前陣，我地保駕在兩旁，一個托大旗，一個揸羅傘。

（衆人大笑）

趙師傅：（突然想起，白）喂，阿祿！你做個件「滑輪」今日點呀？

袁得祿：（白）又唔係咁，成日整崩刀！乜辦法都有！

趙師傅：（白）咳！好意思講嘅？辦法係想出嚟㗎嘛！唔通嚟街邊執返嚟嘅咩？睇下你個圖。

袁得祿：（把圖紙給趙，白）趙師傅，我實在有意見。

趙師傅：（白）乜野意見呀？

袁得祿：（白）我嘅意見就多咯！（減字芙蓉）我接「滑輪」做，實在太艱難。

為要找竅門，想到腸穿肚爛。唔起得幾多貨，進度好似蟻躑。不若咪做「滑輪」，趁早畀別人接辦罷啦！

趙師傅：（白）噯！（三腳凳）乜原來係咁嘅意見，你想唔做怕艱難。唔想做就往外推，乜咁練精和學懶。那有咁嘅規

矩，我聽見都覺得羞慚。

（衆人各有不同反應）

袁得祿：（即唱滾花）我不過係怕個枝大

紅旗，（一撻）被人地搶左去就慘。

（楔白）枝紅旗仔而家好似鐸死左咁！

郁都唔郁！

趙師傅：（滾花）旗仔鐸死都有得救，至

怕你呢副機器唔郁（指袁腦袋）就有得

扳。（楔白）你做個件「滑輪」係難一

的嘅，但係工人階級唔通會係怕困難？

（續唱）你要想下前線急需，少一件零

件的大卡車都不能動彈。

袁得祿：（小聲囑咕白）你係大工匠我唔

條呀！

趙師傅：（滾花）好，咁我就同你想下辦

法，咪個開口就話難。重有乜意見添，

（一撻）

袁得祿：（無奈，白）冇——我有意見。

趙師傅：（續唱）有就咪個瞞埋眉眼。

（外面喊小賈打康樂球）

小賈：（向外白）嚟啦！

趙師傅：（白）你地去玩下先喇。

（小賈拉老楊、小環左門下，王師傅

右門上）

王師傅：（口鼓）老趙！我個組有事，來

遲左——聽到話你試驗成功你手瓜真

硬！

趙師傅：（口鼓）車！你一陣幫我睇下

添喇，如果唔多提的意見就唔啱嘅。

王師傅：（口鼓）如果唔係你，你地組的

後生仔就急到大遮眼。

趙師傅：（笑，口鼓）老王！我地組重有

一件「滑輪」難搞㗎，呢件野邊個都未

做過，我重要幫佢（指袁）過呢關。

喂！係喇，聞講你有部「最新車工操作

法」咁嘅書，係蘇聯最新出版嘅嘢。借

畀我睇下解決左呢個問題好嘛，我用兩三日就馬上歸還。

王師傅：（擲槌關目，白）借就有所謂嘅……不過……（即唱二黃慢板）不過被家人失去，我亦搵極，搵唔翻。

趙師傅：（二黃慢板）唉！書局又賣完，到處行勻，唔覺眼。

王師傅：（二黃慢板）聽見劉技師佢有，你要亦有，乜難。（轉滾花）不過我失去此書，所以就難照辦。

趙師傅：（白）劉技師呀嘛？好！

（冲頭，小張氣冲冲地邊走邊叫王師傅，由右門上）

小張：（見趙師傅在，把王拉到一旁，急白）呢次死嚟！小李佢整壞左……（一槌。王師傅連忙制止，小張附王師傅耳說了幾句）

王師傅：（的的撐，臉色大變，回頭向趙

師傅白）我去睇下！

（王師傅和小張緊張地向右門下）

（趙師傅奇怪地望着王師傅）

袁得祿：（白）挑！有書都唔想借！而家邊個有心事呀？搶紅旗嚟！

趙師傅：（白）阿祿！以後你唔好亂咁論人！

（小蘭遞過挑戰書，趙師傅接過，看了一下）

趙師傅：（白）……發揮集體主義精神，互相幫助，完成任務……（向小蘭）呢一條係邊個添落去㗎？

小蘭：（白）昨日你唔係叫我送過黨支部書記過下眼嘅？係支書叫我添上呢一條

㗎。

趙師傅：（白）對！呢一條最重要！係要發揮集體主義精神至得㗎！（滾花）

㗎，（向袁）你同我搞呢份畀工會梁主